



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 235. An & qualiter impedimentum affinitas, dirimens Matrimonium
contractum, probandum.

[urn:nbn:de:hbz:466:1-73973](#)

§. 2. num. 5. Sanch. L. 9. d. 6. num. 2. Castrop. num. 7. Sed & si aliquando annuerit ejus petitioni, non tamen exinde obligatus est deinceps illi petenti illud reddere; quia per hoc ipse non est liberatus hac pœna, nempe privatione juris petendi, neque innocens eam illi remittere potest. Castrop. l. c. Sanch. num. 9. Posse tamen innocentem licet reddere debitum, et si innocens illud iniurie petat, docent Castrop. l. c. Laym. cit. num. 15. Sanch. num. 12. Et contra alios; cum enim innocens jus conjugale plenissimè possideat, potest eo uti petendo & reddendo debitum, ut Laym. perinde, ac si nulla affinitas subesse, ne ex culpa alterius gravetur. Sed & potest id absque eo, quod cooperetur culpa aliena; siquidem copula illa secundum se illicita non est, sed solùm quod ab incestuoso petitur, jam vero illi petitioni innocens non cooperatur formaliter, quia nocentem ad petitionem non instigavit; sed solùm copulæ petitæ; ita Castrop.

4. Porro illud hic notandum primò, quod cognoscens consanguineam sponsæ sue de futuro in primo vel secundo gradu, etiæ incestuosus per hoc non sit, contrahat tamen affinitatem cum propria sponsa, ac ita impedimentum dirimens, ita ut sine dispensatione jam amplius cum ea contrahere nequeat matrimonium; sed neque consanguineam sponsa à se carnaliter cognitam in uxorem ducere potest, si est in primo vel secundo gradu consanguinea sponsa, cum jam per præcedentia sponsalia contraxerit impedimentum publica honestatis respectu dictæ consanguineæ; non tamen impeditur ducere etiam quamcumque, etiæ consanguineam illa cognita fuerit in primo gradu, quia tale impedimentum, etiæ olim fuerit, modò consuetudine abrogatum est. Et hæc secundum dicta in antecedentibus.

5. Notandum secundò: Pari modo copulam habitam cum cognata spirituali vel legali uxoris, cum non sit incestus (utpote qui est consanguineorum & affinium coniunctio, quales non sunt cognati spirituales & legales) Pith. ad tit. de eo, qui cognov. consang. num. 20. Nav. confil. 4. conf. 2. tit. eod. num. 6. Et 8. ita etiam non causat affinitatem, & consequenter non impedit matrimonium, aut etiam petitionem debiti.

Quæst. 235. An & qualiter impedimentum affinitatis dirimens matrimonium contractum, probandum sit?

1. Esp. Primò: Matrimonium ex hoc capite impenitum debet, nisi impedimentum hoc sit publicum, aut idoneis testibus proberetur; uti expressè dicitur c. de illo. de eo, qui cognov.

2. Resp. Secundo: Tametsi ad impediendum matrimonium contrahendum unus testis plenè proberet, eique afferenti hoc impedimentum (idem est de alio quovis impedimento) creditur; quia tunc agitur de vitando peccato, nè impediti & inhabiles contra Ecclesiæ prohibitionem contrahendo peccent. Sanch. L. 1. de sponsal. d. 7. num. 1. cum Gl. fin. in cit. c. de illo. & ibi. DD. communiter; uno tamen solo afferente, subesse

impedimentum dirimens, conjuges contracto matrimonio separandi non sunt.

3. Resp. tertio: Licet conjuges ipsi ambo dicant, affinitatem inter eos contractam ante matrimonium, tamen hoc non dirimitur, nec separandi sunt, ut expressè habetur c. super eo. de eo, qui cognov. quia non creditur viro vel uxori, si confitentur in præjudicium matrimonii, statur autem eorum Confessioni factæ pro matrimonio. Gl. in cit. c. v. Confessionem. Cur autem stetur confessioni conjugum afferentium matrimonium esse contractum, juxta c. attestations. de despons. impub. & Gl. ibi v. evasisse. Et non stetur eorum Confessioni contra matrimonium ad illud dissolvendum vel separandum, ratio est; quia assertio illa pro matrimonio est eidem valde favorabilis, uti & ipsi confitentibus & toti Republica, cuius interest matrimonium ejusque valorem defendi, ut liberis hominibus civitates repleantur. L. 1. soluto matrimonio. è contra confessio contra valorem matrimonii est valde odiosa, tum ob collusionem conjugum, ut habet textus cit. c. super eo. tum quia confitentur in ea re, in qua ipsi sibi præjudicare nequeunt; cum dissolutio matrimonii non dependeat à conjugum potestate. Ac denique quia talis dissolutio præjudicat proli & aliis bonis matrimonii. Barb. in cit. c. super eo. Pith. l. c. num. 17. Neque his obstat, quod post confessionem in jure seu judicio factam nihil queratur amplius, sed confessio pro judicatis habeantur. L. post rem. ff. de re iudic. juncta L. uniu. c. de confess. hoc enim verum est in iis, qua ex confessione partium pendent, & sunt in libera eorum potestate, at dissolutio matrimonii non pendet ab hominibus.

4. Extenditur responsio, ut procedat, etiam si confessioni amborum conjugum accedat rumor vicinia confirmans tale impedimentum. Pith. l. c. num. 18. ubi etiam cum Abb. in cit. c. super eo. num. 3. quod rumor vicinia sit, quando pars aliqua, nempe tercia vel quarta, aliquid affirmat, in quo differt à fama publica, quæ propriè est, dum tota civitas aut vicinia, vel major ejus pars aliquid evulgat. Rumor autem est quid minus, ut Gl. in cit. c. super eo. v. confessionem in fine. quam fama, & non est sufficiens probatio sine testibus. Porro, quod hic notandum, fornicatio potest dici notoria sine alia probatione, dum Clericus publicè tenet in domo concubinam vel feminam suspetam. Pith. l. c. num. 15. Host. in c. de illo. de eo, qui cognov. v. notorium. Abb. ibid. num. 3. Alex. num. 4.

5. Resp. Quartò: Sed neque confessioni amborum creditur, si fiat ea confessio adversus aliud matrimonium, quod cum altero eorum prius initum assertur, crederetur enim vel sic eorum testimonium in propria causa & in proprium eorum commódum, quod nullo jure concessum. Abb. l. c. Menoch. de arb. cas. 103. num. 6. Pith. l. c. num. 18. qui etiam cum iidem notat, quod, si agatur de separatione, tantum quod ad thorum, creditur unius conjugis assertio contra seipsum, v. g. si mulier confiteatur se commissile adulterium, illi ejus confessioni creditur, ut à viro quodad thorum separetur.

TITU-